

重修天津府志卷四十三

傳五

人物三

國朝

蔡啟盛案此近人眾多必須分卷因劃疆著籍皆定故以州縣分之惟各自序年仍前例耳諸志之文多本家傳墓誌易病繁縟况郡乘宜更簡嚴因節去冗文並削凡庸至新采訪者稍寬則恐各志不連續修藉此留存異時刪歸簡要仍可俟諸後人耳前錄碑記已有然者亦於此補聲焉

錄目 周天命

天津縣

王顯謨

朱天成

劉得甯

李友太

朱承命

孟宗舜

朱同邑

子函夏 紹夏

隋光啟

周人龍

子大倫

邢琰

翟淵

重修天津府志

卷四十三

人物

一 光緒戊戌

佟鎡

程鑰

徐蘭

安尙義

于京

李如桂

康從徵

張霖

弟霆 坦 壩 子

龍震

兄霖 圖 躍

金姪

璿 童 葵 園

查爲仁

子善和 善長

查爲義

查禮

曾文彬

張鼎

王又樸

魏君舜

金相

周人驥

周焯

王登舉

子光祖 盧元璠

李接芳

盧元陽

林鴻鳴

劉顯祖

沈鵬鳴

侯天順

蕭國泰

張廷貴

子士聰

陳應夏

子玠

趙承業

靳連

牛鍾瑞

王顯命

王二道

武廷豫

子宏彥  
綱儒

馮廷柱

繆啟乾

李化鯤

梅開傑

胡捷

金大中

黃謙

弟訥  
姪祐

于豹文

周人騏

徐觀孫

酈世澍

子廷本

吳廷華

汪沆

梁洪

王文雄

宋眞儒

張廷琛

劉文煊

李承鴻

俞金鰲

丁時顯

婁杰

解秉智

從子道  
亨

金世熊

周隆謙

重修天津府志

卷四十三

人物

一

光緒戊戌

張湘

鄭熊佳

金玉岡

劉吉

王祿鵬

繆文璧

董岱

王希曾

吳人驥

張虎拜

從弟虎  
士

卜維吉

徐輝

沈峻

姚逢年

子承恩

黃成彥

朱光觀

樂立本

查彬

徐玠

侯肇安

牛坤

徐通復

沈嶧

焦景新

楊一崑

沈樂善

邵棻

李源

李國柱

韓大佩

趙英

劉士珍

李永凝

章潮

陸樟

梅成棟

王鴻儀

王有慶

汪彭

梁寶常

子逢壽

沈兆澐

劉廷璐

余堂

子作新

吳景周

殷秉鈺

徐埴

張伯琛

宋大成

李嘉善

寇蘭皋

陳鼎元

華光煒

梅調鼎

李雲楣

吳士俊

齊承彥

華長卿

子光鼎  
鼎元

李壽春

閻履芳

張秉銳

胡承勛

子士鏌

楊家麟

于揚獻

重修天津府志

卷四十三

人物

三光緒戊戌

穆大本

金光飭

田履安

徐亨

齊世郁

繆逢恩

田椿

喬書年

倪虎榜

張錦文

張樹琪

李春城

李世珍

劉祖慶

嚴克寬

李鈺

孫大鵬

薄通

王五

張衣敏

黃應文

子樸

劉鐸

魏元埴

駱鳳書

馮嘉蘭

孫明新

王晏清

楊國柱

趙濬

陳珍

楊葆森

楊文光

王文運

邱景華

張春元

李瑞璋

劉國慶

姜宗義

曹天祿

趙錫朋

張玉琨

張淦

王登瀛

武德深

趙世裕

趙恩鑣

曹雋升

胡澄

查體勤

于秉鈞

胡炳泰

樊彬

蔣玉虹

趙埜

沈起麟

鄭樸

康堯衢

董懷新

史樂善

孟繼坤

劉錫

周自邵查曦

喬耿甫

金汝琪

劉景雲

重修天津府志

卷四十三

人物

四

光緒戊戌

天津縣

案邑中近年科第甲於三輔則可紀自宜特多惟其兩志舊者為始創簡略固宜新者吳因蔣稿踵增未諳紀載考據徒傷寬泛賴有津門詩鈔徵獻詩注選舉錄等閒資補苴考證

周天命順治初為天津參將上寇作亂率兵赴剿

力戰而死事平廕其弟明命都司經歷

前志引一統志案

新通志引舊通志云人名宦今考郡縣俱祀忠義惟宦績先有傳

王顯謨

順治丙戌拔貢

為漳州府同知海寇陷城被執賊

怒其不屈埋其身露首餓死

恩贈按察司副使

同上

字裕如浙江慈谿人隸籍天津由拔

貢授河南歸德理刑斷獄精明順治六年升漳州

府同知九年禦寇力盡赴水死事聞

賜祭葬子元翰廕授武清縣丞

新通志引福建通志案祀忠義

朱天成順治初捐粟賑濟三月全活甚眾與劉得甯俱經兩院具疏以聞

詔賜八品服旌之天成年七十九卒

前志案祀鄉賢並祀義行

劉得甯順治初年饑出粟賑濟活難民數百口葬

埋無主骸骼無算年八十六卒

同上案兩祀亦同

李友太字仲白號大拙言行不苟

前志鼎革時年十

三隱身黃冠篤久要生死不易樂施予

王又樸撰傳家

貧人有所問遺卻不受

朱函夏撰傳

餉司郝延年重其

重修天津府志

卷四十三

人物

五

光緒戊戌

名以束帛求致不可乃躬造廬以請友太踰垣避

卒不見曰吾勝國逸民可見今日之士大夫乎

王傳

工畫人物山水然不為人作一女知書工白描人

物作輒毀之後以家貧作大士像數幅命蒼頭走

京師鬻以自給友太歿終身不嫁

朱傳

朱承命父廷柱負才早卒母季氏苦節撫成三孤

承命其仲也

徵獻詩注

順治戊子舉人已丑進士山東

鄒縣知縣

前志引衛志

浙江定海縣知縣雲南安甯州

知州戶部員外郎康熙癸丑令鄒修縣志有序文

碑記

徵獻詩注

幼嗜學嘗端午食角黍誤醺墨汁以爲

飴也前志

孟宗舜字亦若生而穎異以文章名書法義獻甲午鄉薦順治己亥進士授江西臨江府萍鄉縣知

縣同志

朱同邑承命子字潔臣號晴崖好學工文李光地督順天學政拔爲八郡冠康熙三十八年舉於鄉會有

詔覆試同榜舉人皆股慄同邑獨橐筆就乾清門試得上等八上公車不第前志光地好士士攜襪被直入邸

第閹人不敢詰同邑受國士知一再見輒謝去家

重修天津府志

卷四十三

人物

六

光緒戊戌

貧好義狷介不取閉戶教子皆成名及死貧不能葬大興黃叔琳爲誌其墓斂錢葬之子函夏紹夏

陳儀撰傳

函夏字乾馭號陸槎貢生舉博學鴻詞隨祖

承命官江南遊覽所至必發於詩著有谷齋集紹

夏字義玉號西廬貢生與兄齊名同舉鴻博

津門詩鈔

參前志

隋光啟由宗人府奉祀授江南松江府守禦所升湖廣錦田衛守備康熙閒夏包子謀逆漢口光啟城守不去死於難奉

旨命地方官護柩回籍

前志案祀忠義

周人龍字雲上號躍滄父式度字梅嶼諸生以學  
行名一鄉陳宏謀撰傳人龍康熙戊子四十八年進士

授山西屯留知縣明年調清源士民送於郊泣不  
忍舍升忻州知州遷知蒲州府山陝民隔河爭地  
創議以河爲界因地納糧大府從之至今稱便時  
又有丁糧歸地之舉紳衿富民不悅或言於

朝下其議於晉撫人龍抗言必行事遂定升江西督  
糧道革蠹藪創立規約乾隆十年告歸卒年六十

四周人驥撰傳著有居易堂三周文稿津門詩鈔弟人驥從

弟人驥皆自有傳子大倫孫璠大倫字理夫貢生

# 重修天津府志

## 卷四十三

人物

七光緒戊戌

官鹽課大使調臺灣彰化縣丞數年稔知民氣凶  
頑時虞失靖任滿謁大府言大府疑其故張大不  
信檄往諸羅縣治事未幾林爽文倡眾陷彰化犯  
諸羅大倫馳入縣署謀守禦賊夜遽犯城入縛以  
去不忍殺力勸之降大倫切諭之繼以大罵首觸  
柱額裂血淋漓囚凡數日罵不絕口遂遇害年五  
十二事聞

卹如例廕雲騎尉世職焦循撰傳璠字梅村著有梅村詩草

### 一卷前志參縣志

邢琰字芸圃康熙五十九年舉人性孝友父客都

下琰授徒奉母母病晝夜侍牀簣及歿哭泣咯血

以哀毀死

新通志引秋坪新語

見者稱曰真孝廉

前志

翟淵康熙五十九年舉人乾隆三年知崇安縣邑有捏報糧田銀二千二百餘兩米二百六十餘石

官民田多輾轉爲詳豁免之合邑頌德

新通志引福建通志

佟鉉字蔗村已而道人其別號也長白人父官河

南布政使兄弟六人皆仕鉉例授別駕不謁選絕

意華廬卜居天津城西門臨流水榜其居曰滄浪

考槃性嗜山水耽吟詠津之能詩者未有過之妾

趙氏字豔雪亦工詩鉉築豔雪樓貯之今土人所

# 重修天津府志

## 卷四十三

人物

八 光緒戊戌

稱佟家樓卽其遺址

前志

程鑰字北堅晚年更字果菴浙江山陰人年十六

來天津遂寓焉少孤事母以孝著不嗜榮利有勉

之就試者援筆立就辭采甚偉顧視鄰生窘甚袖

以與之遂不試而出性倜儻游歷南北好施濟不

勝枚舉以故家日益貧母卒於津謀歸葬於越未

得復遠客於浙而病鑰自知醫診其脈已絕泣而

祝曰天苟假之年卒葬而死無憾也旣而果不死

奔走四方所得絲毫悉以供葬并置墓田家人在

北飢寒不措意蓋三年而葬畢而鑰亦竟卒於金

陵矣友人謝重可高其誼爲之經理葬事歸葬於  
越鎬勤於撰述有斑管錄七十餘種豹隱齋詩文  
集若干卷無子有女名德輝以節烈著

同上

徐蘭字芝仙紹興人以詩名吳越閒中年游天津  
遂占籍焉嘗從軍出居庸關有詩云將軍此去必  
封侯士卒何心肯逗遛馬後桃花馬前雪出關爭  
得不同頭王漁洋極賞之後卒於津

縣志

安尙義字易之原籍朝鮮僑居天津康熙五十年  
饑民載道尙義創建粥廠南門外賑之繼此十餘  
年不替全活人無算天津城池歲久傾圯尙義與  
子岐捐貲修築鹽院莽鵠立爲具題

重修天津府志

卷四十三

人物

九

光緒戊戌

于京字岱瞻別號無欺道人前明靜海諸生樂善  
好施郡城西至小澱村路長四十五里獨力捐修  
他如立義冢濟貧乏施棺木助婚喪皆竭資以成  
善舉遷居天津南城絕意進取

李如桂字拙菴其先晉陽人順天舉人除陝西紫  
陽令招流亡資失業勸課農桑秩滿遷順天推官  
授浙江提學道授口北道性剛直不能逢迎以微  
眚謫歸寓津門老焉

俱同上

康從徵字懷宙業鹺家天津性不苟於財有同業

寄貲數千回晉久無耗訪其子歸之長蘆鹽法志

張霖字汝作號魯菴晚自號卧松老衲撫甯人父

明字遷天津霖由歲貢歷官福建布政使前署雲志

南巡撫緣事落職家居有遂閒堂一畝園問津園

思源莊篆水樓諸勝園亭甲一郡集諸名士唱和

其中一時如姜宸英梅文鼎趙執信吳雯朱彝尊

徐蘭方苞皆主其家文酒之譙無虛日著有閒居

堂稿弟霖字帆史號念藝一號笨山貢生官中書

舍人累試不第歸築小室曰帆齋津門詩鈔霖門業甲

三津霍性孤逸蕭然無所與嘗科頭跣履行街衢

重修天津府志 卷四十三 人物 十 光緒戊戌

爲車馬客所辟易與龍震交最篤詩似李白書得

張旭神骨陳儀撰著有帆齋逸稿欵乃書屋綠豔

亭弋蟲軒秦遊晉史諸集霖子坦壘坦字逸峯號

青雨康熙三十二年與弟壘同舉於鄉同官內閣

中書詩書得家法著有履閣詩集喚漁亭詩稿津門

詩鈔壘字聲伯有二張合稿文集秦遊詩草孫映暉

俱進士前志參縣志案四人科第不載選舉蓋

龍震字文雷自號東溟山人性豪脫閒放不治生

產時禹筴相矜爲豪震夙有分業一夕惡催租吏

擾徑售去親知惋惜且咎之旋有以引地求賃不

售者震卽賃而自爲之頓獲厚利親知驚賀笑謝  
曰戲耳吾不爲此一應試舍去曰不再辱退而偃  
卧一室不與人交通獨友張霍以詩相娛霍死漠  
然無所向閒入市獨醉村醪再遊江南一遊山東  
遇佳山水流連憑弔至泣下晚築別業顏曰玉紅  
草堂自康熙甲戌至癸巳得詩四千餘篇前作皆  
芟曰詩志也自是吾志定矣陳儀撰傳年七十無妻兒  
錢陳羣木門終狂憤鬱勃以死陳兄霖字沛然性  
行感舊詩豪俠好客事繼母如母弟震好遊嗜酒能成其爲  
高士子圖躍官河南汝甯知府戒以勉爲清白吏

重修天津府志

卷四十三

人物

士 光緒戊戌

不惜破家否則不復見汝矣豫省後科派激變惟

圖躍吏議不及克承父志云

陳儀撰墓誌銘

時與龍震同

以詩名者金璿童葵園璿字子衡葵園字蘭風著

有閒閒集

津門詩鈔

查爲仁字心穀父日乾以禹筴起家賢能孝義著

聞三輔

采訪冊

爲仁年十九舉康熙辛卯鄉試第一

主試事者武進趙申喬也申喬故以革銅商事與  
執金吾陶和氣者相水火欲甘心焉謂榜首固富  
人子且少年名不出里閭是奇貨可居遂鉤致以  
興大獄旣鍛鍊成而爲仁當死罪長繫請室爲仁

固才士既顛蹶無生理乃就白雲司葺板屋數間

日讀書習靜其中高雲上人爲榜曰花影菴

國朝詩

人小傳三數年後得釋

蒲褐山房詩話

遂絕意華膺頰首書窟

萬光泰蔗

七略四庫恣意佃漁小傳作爲詩歌以自

娛稿序皆清新微婉耐人尋繹蓋爲仁嘗學詩於初

白菴主又與厲鶚杭世駿萬光泰汪沆諸人游一

洗粗獷浮廓之習歸諸雅正

紅豆樹館詩話

爲仁既出獄

小傳築水西莊濱運河有南碕草堂數帆臺攬翠軒

枕谿廓水琴山畫堂諸勝

雨村詩話八

慕古人顧阿英

徐良夫之風蓄積書籍廣開壇坫名流宴詠殆無

# 重修天津府志

## 卷四十三

人物

三

光緒戊戌

虛日許佩璜刺史贈之曰庇人孫北海置驛鄭南

陽其豪可想

隨園詩話三

於丙寅春夢雙鳳飛集楊各

銜金篆字一曰貞一曰福後納二小姬名適與之

同因作雙鳳圖鶚題句云蕙蘭原自含貞性風雅

何妨號福人蓋用元廉夫晚號江山風月福人事

也

雨村詩話八

導師爲贈道號曰蓮坡故又稱蓮坡居

士云小有傳有蔗堂未定稿六卷外集八卷

纖輔詩傳二十九

子善和字用咸號東軒

詩傳四十三

學問博雅善自韜

晦好吟詠所著甚多

津門詩鈔

有東軒詩草善長字樹

初乾隆十九年進士官刑科給事中寄籍天津善

和子誠字衛中號海漚乾隆四十二年舉人官郎

中詩傳四十八詩酒自娛有蓮坡遺風家起小園疊石

蒔花積書萬卷無不披覽詩鈔有天游閣詩集詩傳妾

程亦能詩詩鈔俱順天府志引

查爲義字集堂幾輔詩傳三十一爲仁弟幼爲有用之學

投筆轉餉塞上論功授安徽太平府通判時兩淮

鹽法做制軍尹繼善欲更張整飭乃奏設鹽掣擇

廉能吏司其事遂合舉爲義擢淮南儀所通判在

任八年積弊以清方以治行尤異薦而適以父喪

歸遂不再出年六十三卒子三長溶次田次杰紀昀

# 重修天津府志

## 卷四十三

人物

三 光緒戊戌

撰墓誌銘孫彬字懋亭乾隆四十九年進士歷官河南

信陽州知州傳四十七俱順天府志引號履芳天性純摯嫡

母馬氏病思食鰕禱海頻得之後馬氏卒鄰火延

其居將及殯盡奔避獨弗去火竟不犯人以爲孝

感生母王氏患腿癰纏綿七十日晝夜侍疾吮之

以口癰得愈凡三居父母喪皆盡哀盡禮廬墓三

年光緒十年河南巡撫鹿傳霖彙請

旨旌表長蘆鹽法志稿

查禮原名爲禮字恂叔爲仁弟貢生任戶部主事

出爲廣西太平府知府有惠政士民爲建生祠遷

四川川北道會金川滋事帶兵擊賊擒寨首喇嘛  
開修楸新道大輸帑餉凱旋仍留綜理屯政浚擢  
湖南巡撫因積勞成疾卒於京子涓官湖北按察  
使改大理寺少卿禮賢愛士綽有父風卒年八十  
九孫咸勤又入籍宛平辛巳解元

縣志

曾文彬字子宜四十鰥居不再娶偶客遊數月歸  
繼母爲置一妾文彬泣謝以有子立召其父母遣  
之不責聘錢子涓雍正甲辰科舉人

同上

張鼎字石鄰雍正癸卯進士

案前志在甲辰選舉錄同

紀文達亟稱之任江蘇震澤令

案前志注作鄒平選舉錄注又作昭

### 重修天津府志

#### 卷四十三

人物

古

光緒戊戌

文丙午分校秋闈禱神求潛德同僚乘深夜細竿

入窗觸冠者再手中卷遂薦獲雋眾譁笑鼎曰君

等不自悟被神驅使反謂人被弄耶卒祀名宦

案分

校不實憑卷中才學聽諸冥漠之神非法也  
新通志刪之殆以此然所答實至理名言

王又樸字從先號介山幼以古文受知於方苞

康熙

庚子舉人雍正元年進士授編修厯官廬州府同知有

惠聲尤明水利

津門詩鈔

晚精易學著易翼述信十二

卷言易學者多稱之

四庫全書提要

又著有詩禮堂詩

文集讀史讀孟諸書

津門詩鈔俱新通志引

魏君舜豐財場竈戶以作苦起家雍正三年水漂

沒廬舍人將流亡指困散給慰留之明年歲大熟

鄉人皆償所貸概辭不受

鹽法志稿

金相字琢章雍正

丙午舉人

丁未進士由編修歷官侍

讀學士與周人驥同有清正之稱屢掌文衡羣推

得士

縣志

周人驥字芷囊號蓮峯雍正

丙午舉人

五年進士授禮

部主事督學四川以監察御史授廣西右江道擢

湖南按察使清積案二百編彙成帙題曰臬楚摘

案擢陝西布政使調湖南升浙江巡撫劾貪墨除

漕弊補積逋勸樹畜以事望吏議革職尋署廣東

# 重修天津府志

## 卷四十三

人物

七

光緒戊戌

巡撫調貴州首清錢法勸植棉麻充民用奏開南

明河利銅運節經費避川江之險會有以糜帑累

民爲言者革職歸里卒年六十八著有香遠堂詩

稿

牛坤立撰傳

蓮峯宦稿

津門詩鈔

周焯字月東號七峯

雍正乙卯

拔貢工詩精小篆嘗從

野寺得謝文節橋亭卜卦研遂名其集曰卜硯山

房集

吳廷華撰傳

王登舉父歿兄寄食他邑貧不能殮質身營殯事

兄友愛子光祖父母歿廬墓六年以孝著稱時有

盧元璠亦廬墓三年

縣志

李接芳字穎生少孤母病刲股合藥以進獲瘳時有庠生盧元陽亦以孝著

林鴻鳴歲貢任密雲縣學訓導幼育於兄事之如父居官作興文教不負厥職時有劉顯祖歲貢三河訓導亦以孝聞學使三舉優行

俱同上

沈鵬鳴字君巖父志達嗜飲日供旨甘兼養病兄與嫂康熙中頻歲饑歉出粟爲糜賑之鄰縣饑民就食者縛茅棲城根鵬鳴每晨辨色起暗投以錢不使人知捐靜海小屯地十餘畝爲義塚親族不能婚娶者資助之義舉不勝紀子起麟字苑遊純

重修天津府志

卷四十三

人物

夫  
光緒戊戌

謹樂善有父風

前志

著有誦芬堂詩集

津門詩鈔

侯天順業農兼賈康熙三十七年西沽決大道百餘丈出財培加高厚北門外施茶菴久廢重立舍宇夏設飲冬爲粥並施棉衣施藥施棺焉城東北兩門石路坱圯苦行人命匠平治西門外有塔院爲藏骨地命人見骸必拾而歸之西沽渡舊用小舟時有覆溺請於官改立浮橋首捐橋船一以爲倡晝夜親督終成其事餘善行不可枚舉有司厯

給匾獎之

前志

蕭國泰以營卒守楊柳青汛雍正十三年正月三

張家孤堆曠野中見一墜驢人中風不能言被襍  
中有數百金裝扶至村廟躬爲護視走告諸官旋  
訪其父歸之有司請於

朝賚之銀并給匾表之

張廷貴撫兄子夷於所生友王定宇託其子福寰  
及年八十一疾亟執福寰手曰吾今有以報亡友  
地下矣子士聰康熙中天津饑偕同志爲食於路  
俱同上

陳應夏諸弟貧不能自存贍之終身築室趙家場  
渡口冬夏施粥及茶河冰行人患滑仆以長板橫

重修天津府志

卷四十三

人物

七 光緒戊戌

籤兩岸有犯徒罪者將發其母妻質身具糗糒應

夏憫之爲納贖緩脫其罪

朱函夏撰傳

子八人玠工書

前志玠字實人號石訂

津門詩鈔

貢生工詩書與李友太

梁洪龍震齊名

詩傳 畿輔

趙承業字華亭好施予卒年八十八臨終聚券數

千金焚之子嗣普亦有義聲

前志

靳連舉人知陝西山陽縣以廉惠著居家孝友主

義塾二十餘年子世菁乾隆戊午科舉人

縣志

牛鍾瑞字信臣監生父夷歲貢好義樂施鍾瑞承

父志歲祲捐穀四百石以賑饑民

前志